

les peres, & amplifiée d'un tresbeau choeur tout entaillé, d'icelle est titulaire le Cardinal Tauerna .

S. Bibiane, est delà les Trophees de Marius, in via Labicana, edifiée par Simplicius Pape, & restauree par Honorè III. le iour de la Toussainctz, il y a six mill'ans d'Indulgence, & chasque iour trois mille, la est le cimettiere entre deux Lauriers, ou sont les os de cinq mille Martvrs, il y a de plus vne herbe, que planta s. Bibiane qui guarist du mal caduc .

s. Martin, est tiltre de Card. sur le mont Exquilinus, basty par Simmachus I. qui sur le grand autel de l'Eglise fit faire vn tabernacle d'argent de 120. liures. En icelle sont les corps de SS. Sylvestre, Martin, Fabian, Estienne, & Soterus Papes, d'Asterius, & Cyriacus, & de plusieurs aultres, comme il appert par vn marbre, qui est a main droicte du choeur de ladicte Eglise, laquelle de nostre temps a esté ornee du deffunct Diomedè Carafa Cardinal d'Ariano. La station y est le leudy d'après le quatriesme Dimanche de Quaresme. luy ayant esté restituée de nostre temps par Paul IV. En icelle habitent des Carmes .

S. Praxede est tiltre de Cardinal, & conuent des Moynes de Val ombrosa proche a s. Marie Maieur. Pascal I. consacra l'Eglise, ou la station est le Lundy de la sepmaine saincte, & chasque iour deux centz mill'ans, & aultant de quarantenes d'Indulgence, & la remission de la troiesme partie des pechèz. Soubs le grād autel repose le corps de S. Praxede, & dans la chapelle appelée Horto del Paradiso, en laquelle iamais les femmes n'entrent, ceux de s. Valentin, & Zenon, sur la colonne a laquelle fut flagellè Nostre Sauueur Iesus Christ, que le Card. Jean Colonna conduit a Rome: Au milieu d'icelle soubs ceste pierre ronde sont ensepueliz, quarante Martyrs, desquelz onze sont Papes, qui conque celebrera messe, en ladicte chapelle deliurera vne ame des peines du purgatoire. Et au milieu de l'Eglise, ou est ceste pierre ronde que Leon X. fit enceindre de fer après auoir veu le sang, il y a vn puitz, ou la Bienheureuse s. Praxede iettoit le sang d'une infinitè de Martyrs, qu'elle alloit ramassant avec vne esponge par Rome. il y a encore d'aultres Reliques, qui se monstrent le iour de Pasques apres vespres .

S. Anthoine, est proche a s. Marie Maieur, & a s. Praxede, le iour de la feste d'iceluy Sainct, dont la vie, & les miracles y ont esté fraichement depeintz, il ya Indulgence plenièrè. Il y a vn Hospital, ou sont pansèz plusieurs malades, par les Fran-